

借兵利羨餘自爲媒而兵復借役擅羸縮互爲媒
民不能勝閩幾墟閩苦蓋如此公領之去去乃知
爲總制也公奉 朝命偕都統藩鎮議處置降弁
應調發者區畫各得所宜井巷用 疏市肆以平鷄
犬有聲乃檄郡邑曰 國家念閩未解兵歲銷司
農金錢一百二萬有奇足閩粒奈何更糜民又檄
郡邑曰 令典驛馬非奉夏官符不得應奈何以
民爲馬檄於軍曰由 京師抵閩稅關可屈指計
乃最爾閩而人自爲關又檄於軍曰爾民衛也而
乃民厲更詰諸長吏曰若不子若民也而子若蠹
若且身爲蠹焉其奚以吏若民數月之間耳目靡
局裨政悉薙不特薙其稗也且易其農焉凡所奏
請更置 天子久亮其公忠必授 俞旨溫如也
境內一旦煥然改數十年之觀如彼旱魃大雨斯
沛如彼雩翳皎日斯麗如彼道唱樾林斯蔭焉於
是殘黎樂更生戀鄉土農歌於野曰今日予犢今
明日予牧今以無予爾肉今商歌於塗曰抱布一
丈令得尺五載麥一斛今得半鬴今日何日今無
市虎村蠶婦予典釵珥治酒 糲歌曰一畝田收十
畝穀不給縣前一夕宿今日何日今收我鷄鶩而